



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-152-4/25**

Datum: **07.08.2025. god**

«Agencija za vodno područje rijeke Save» Sarajevo rješavajući po zahtjevu pravnog lica Mesna industrija «SARIĆ» d.o.o. Jelah-Tešanj, za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta objekta namjene - prerada mesa i proizvodnja mesnih proizvoda izgrađenog u naselju Jelah, općina Tešanj na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Pravnom licu, Mesna industrija «SARIĆ» d.o.o. Jelah-Tešanj daje se vodna dozvola za ispuštanje tehnoloških otpadnih voda u prirodni recipijent sa lokaliteta objekta namjene - prerada mesa i proizvodnja mesnih proizvoda izgrađenog u ul. Ribarska, naselje Jelah na zemljištu označenom kao k.č. broj: 5328/2 i 5329/3 K.O. Jelah, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog objekta i uz sljedeće uslove:
  - 2.1. Da se izgrađeni objekat lociran u ul. Ribarska u naselju Jelah, općina Tešanj održava u funkcionalnom stanju i koristi u skladu sa namjenom i uslovima iz ove vodne dozvole.
  - 2.2. Da se, za vrijeme trajanja ove dozvole, obezbijedi da se tehnološke otpadne vode nastale pranjem opreme, uređaja i alata koji se koristi u postupku prerade mesa i proizvodnje mesnih proizvoda te pranjem podova i radnih površina prostorija prikupljaju zasebnim kanalizacionim sistemom te odvođe na tretman u postrojenje za tretman otpadnih voda sa krajnjim ispuštom prečišćenih voda u rijeku Radušicu.
  - 2.3. Prečišćene otpadne vode nastale u postupku prerade mesa i proizvodnje mesnih proizvoda, prije ispuštanja u recipijent - rijeka Radušica, moraju ostati u maksimalno dopuštenim granicama definisanim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 2.4. Objekte koji se koriste u svrhu prikupljanja, odvodnje i tretmana tehnoloških otpadnih voda nastalih na lokalitetu objekta (kanalizaciona mreža, slivničke rešetke, postrojenje za tretman otpadnih voda...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
  - 2.5. Čišćenje i održavanje postrojenja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz postrojenja kao i preuzimanje animalnog i ostalog otpada.
  - 2.6. U skladu sa propisima iz oblasti zaštite okoliša, vršiti bezbjedno i redovno skupljanje čvrstog opasnog i neopasnog otpada sa kompletnog kruga objekta, isti propisno skladištiti do njegovog konačnog zbrinjavanja od strane ovlaštene organizacije.
  - 2.7. Prakticirati suho čišćenje podova i opreme prije pranja vodom kako bi se uklonile organske nečistoće sa radnih površina, trošilo manje vode za pranje i smanjilo zagađenje.
  - 2.8. Krv nastala u prostorijama objekta za preradu mesa treba skladištiti u posebnom spremniku do konačnog zbrinjavanja. Trajnu dispoziciju riješiti prema uputama i u saradnji sa veterinarskom inspekcijom.
  - 2.9. Animalni/klaonički otpad koji nastaje u procesu obrade mesa treba redovno odstraniti iz proizvodnog procesa, odložiti u kontejnere propisane za tu vrstu otpada i u saradnji sa ovlaštenom institucijom, prema sklopljenom ugovoru, odvoziti i zbrinjavati u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.

- 2.10. Sadržaj (mulj) iz postrojenja za tretman otpadnih voda, otpad nastao u postupku prerade mesa kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotok i na njegove obale.
  - 2.11. Vlasnik odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
  - 2.12. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  4. U periodu važenja ove dozvole, Korisnik je dužan provoditi sve mjere i aktivnosti propisane istom.
  5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
  6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
  7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
  8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  9. U ovoj upravnoj stvari plaćene su sve upravne pristojbe.
  10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
  11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
  12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Od strane pravnog lica, Mesna industrija «SARIĆ» d.o.o. Jelah-Tešanj, dana 14.04.2025. godine podnesen je ovoj Agenciji zahtjev za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta kompleksa objekata namjene - prerada mesa i proizvodnja mesnih proizvoda izgrađenog u naselju Jelah na zemljištu označenom kao k.č. broj: 5328/2 i 5329/3 K.O. Jelah, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o upisu subjekta u sudski registar broj: U/I-2366/05 izdatog dana 27.01.2006. godine od strane Općinskog suda u Zenici,
- Ovjerena kopija Uvjerjenja o registraciji/upisu u Jedinostveni registar obveznika indirektnih poreza broj: 04/1-UPRJ/1-6240-2/07 izdatog dana 14.07.2007.godine od strane Uprave za indirektno oporezivanje Banja Luka,

- Ovjereni kopija Uvjerena o poreznoj registraciji izdatog dana 28.10.2002. godine od strane Porezne uprave – Kantonalni ured Zenica,
- Ovjereni kopija Rješenja o odobrenju za građenje broj: 12-23-3373/01 izdatog dana 04.12.2001. godine od strane Ministarstva za urbanizam, prostorno uređenje i zaštitu okoline Zeničko-dobojskog kantona,
- Kopija Rješenja o upotrebi građevine broj: 12-23-579/07 izdatog dana 27.04.2007. godine od strane Ministarstva za urbanizam, prostorno uređenje i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-111-4/20 izdatog dana 19.06.2020. godine od strane «Agencije za vodno područje rijeke Save» Sarajevo,
- Kopija ugovora o pružanju komunalnih usluga broj: 05-15/25 zaključen dana 30.01.2025. godine (pražnjenje separatora, septičkih jama i taložnika za otpadne vode) sa KP «Komunalac-Teslić» a.d. Teslić (priložen račun od 30.01.2025. godine o čišćenju postrojenja),
- Kopija ugovora o odvozu i deponovanju animalnog otpada broj: 94-1/25 zaključen dana 31.01.2025. godine (na period od 1 godine) sa JP «Regionalna deponija» d.o.o. Doboj (priložen račun broj: 0213 od 31.07.2025. godine i prijemnica broj 813/2025 od 30.07.2025. godine o preuzimanu animalnog otpada),
- Glavni projekat postrojenja za tretman tehnoloških otpadnih voda iz proizvodnih objekata M.I. «SARIĆ» d.o.o. Jelah urađen od strane «ES Hydrotechnics» d.o.o. Sarajevo, juni 2009. godine revidovan od strane «Zavoda za vodoprivredu» d.o.o. Sarajevo, juni 2009. godine – na uvid,
- Kopije Izvještaja o monitoringu kvaliteta i kvantiteta otpadnih voda broj: 1052/24, juni 2024. godine i broj: 2635/24, decembar 2024. godine urađeni od strane «Inspekt-RGH» d.o.o. Sarajevo,
- Opći akt o održavanju, korištenju i osmatranju vodnog objekta i postupanje u slučaju kvara, novembar 2008. godine,
- Kopija Rješenja o ispunjavanju propisanih veterinarsko-zdravstvenih uslova broj: UPI-05-20-4481-2/25 izdatog dana 26.05.2025. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta u naselju Jelah, općina Tešanj i tom prilikom je sačinjen Zapisnik o uviđaju broj: UP-1/21-3-40-152-3/25 od 30.07.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat izgrađen je u naselju Jelah na adresi Ribarska bb, na desnoj strani magistralnog puta M-4 Doboj-Teslić. Objekat se sastoji od: proizvodne prostorije, prostorije za sanitaciju opreme, prostorije za veterinarsku inspekciju, prostorije za potrebe radnika i posebnog natkrivenog prostora u kome je smješteno postrojenje za tretman otpadnih voda.
- Za predmetni objekat ranije je od strane Agencije doneseno Rješenje o vodnoj dozvoli broj: UP-I/25-3-40-111-4/20 od 19.06.2020. godine sa određenim uslovima.
- Tehnologija proizvodnje se zasniva na bazi nabavke i obrade već pripremljenog svježeg i duboko zamrznutog konfekcioniranog mesa goveda, junadi, teladi, ovaca i peradi. U sklopu kompleksa ne egzistira klaonica. Mjesečni kapacitet proizvodnje je oko 20 tona gotovih proizvoda (suhomesnati proizvodi, kobasice, proizvodi od usitnjenog mesa-ćevapi i pljeskavice).
- Tehnološke otpadne vode koje nastaju u procesu pranja i sterilizacije noževa i opreme, pranjem podova, radnih površina i mašina za pripremu nadjeva se sistemom slivnih rešetki skupljaju te zasebnim sistemom kanalizacione mreže odvođe do postrojenja za tretman tehnoloških otpadnih voda (postrojenje izvedeno u skladu sa Glavnim projektom postrojenja urađenim od strane «ES Hydrotechnics» d.o.o. Sarajevo, juni 2009). Tehnološki postupak tretmana otpadnih voda čine dvije faze: mehaničko i biološko prečišćavanje. Krajnji ispušt prečišćenih voda je, preko okna za monitoring, u rijeku Radušicu.
- Da bi se u tehnološkoj otpadnoj vodi smanjio sadržaj krvi, masnoća i ulja, u prijemnom skladištu se ispod komada mesa postavljaju PVC posude u koje se sakupljaju otpadne vode koje se cijede iz mesa. Sadržaj ovih posuda se odlaže u hermetički zatvorene PVC posude koje se zbrinjavaju od strane JP «Regionalna deponija» d.o.o. Doboj prema ugovoru. Na isti način se skladišti i zbrinjava i animalni otpad.

- Čišćenje postrojenja za tretman otpadnih voda vrši se prema Ugovoru od strane firme KP «Komunalac-Teslić» a.d. Teslić (priložen račun o čišćenju postrojenja od 30.01.2025. godine),
- Snabdijevanje vodom za sanitarne i tehnološke potrebe kompleksa je obezbijeđeno priključkom na gradski vodovodni sistem a prikupljene sanitarno fekalne vode iz toaleta za uposlene se ispuštaju u septičku jamu.
- Monitoring otpadnih voda se radi redovno. Uz zahtjev dostavljeni Izvještaji o ispitivanju kvaliteta otpadnih voda za juni i decembar 2024. godine urađeni od strane «Inspekt RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16). Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Konstatuje se da je podnosilac zahtjeva, Mesna industrija «SARIĆ» d.o.o. Jelah-Tešanj ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta objekta namjene - prerada mesa i proizvodnja mesnih proizvoda izgrađenog u naselju Jelah, općina Tešanj, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-152-2/25 od 25.07.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju  
Rukovodilac Sektora za izdavanje vodnih akata



*Nihad Pezo*  
Nihad Pezo, dipl.inž.građ.

Dostaviti:

- Mesna industrija «SARIĆ» d.o.o. Jelah-Tešanj  
ul Ribarska bb, 74264 Jelah
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava